



ԳԵՐԱՇՆՈՐԸ Տ. ԱՍՈՂԻԿ ԵՊԻՍԿՈՊՈՍ ՂԱԶԱՐՅԱՆ



Նորմասակ Տ. Ասողիկ սրբազանը, ավագանի անունով Ղազարոս, ծնվել է 1909 թվականին Բեհենի քաղաքում (Զորրորդ Հայք, Մալաթիա)։

Համաշխարհային առաջին պատերազմին, տարագրության արյունոտ ճանապարհին կորցնում է իր հարազատներից շատերին և որպես որր ընդունվում է նախ Տարագրելոց և ապա Արարատյան որբանոցներում 1919—1920-ական թվերին, Մուսուլում և Բաքուպայում։

1924 թվականին ընդունվում է Երուսաղեմի Ժառանգավորաց վարժարանը։ Ուսումնա-

ծարավ պատանու առաջ բացվում են գիտության դռները և խաղաղ կյանքի հնարավորություններ։ Նա հաջողությամբ է ավարտում Ժառանգավորաց վարժարանի դասարանական բաժնի քառամյա դասընթացը և 1928 թվականին սարկավագ է ձեռնադրվում Դուրյան պատրիարքից և իր կյանքը ընդմիշտ կապում վանական գործունեության հետ։

Աշակերտել է Դուրյան և Գուշակյան պատրիարքներին և Բարգեն Կյուլենսերյան եպիսկոպոսին Երուսաղեմում։

1932 թվականին նա ձեռնադրվում է կուսակրոն քահանա Թորգոմ պատրիարքի ձեռքով և Երուսաղեմի Պատրիարքական Ս. Աթոռից ներս կոչվում է վանական-վարչական պատասխանատու պաշտոնների։

1936—1937 ուսումնական տարում ծառայում է Ցաֆա քաղաքի ազգային վարժարանում որպես ուսուցիչ և հոգևոր հովիվ։

1937 թվականի վերջին, Թորգոմ պատրիարքի հրամանով նշանակվում է հոգևոր հովիվ Մայրագույն Արևելքի՝ Չինաստանի, Մանջուրիայի, Ճապոնիայի։

Ասողիկ վարդապետը մեծ եռանդով և անձնվիրությամբ ծառայում է հայ ժողովրդի այդ հավատացյալ բնկորներին և մեծապես սիրվում ու հարգվում։

1941—1945 թվականներին Ասողիկ վարդապետը բաժնետիրվում է ճապոնացիների կողմից խարբինի համակենտրոնացման ճամբարում, և հրը Սովետական Բանակը հասնում է Մանջուրիա, ազատվում է և վերադառնում իր հոգևոր պաշտոնին։

Երկար և արկածալից բացակայությունից հետո, 1950 թվականին վերադառնում է Երուսաղեմ, իր միաբանության գիրկը, մի

քիչ հանգստանալու: 1951 թվականին հով-
վական պաշտոնով հրավիրվում է Կալիֆոռ-
նիայի Լոս-Անջելոս քաղաքը, ուր պաշտո-
նավարում է երեք ու կես տարի:

1954 թվականին նա նորից Հեռավոր
Արևելքումն է, այս անգամ Ավստրալիայում,
որպես հոգևոր հովիվ:

1957 թվականի սեպտեմբերին ուխտի է
գալիս Ս. Էջմիածին և Մայր Հայրենիք:

1957 թվականի նոյեմբերի 24-ին եպիս-
կոպոս է ձեռնադրվում և նշանակվում Հայ-
րապետական նվիրակ և առաջնորդ Հեռավոր

Արևելքի երկրների՝ Հնդկաստանի, Չինաս-
տանի, Ինդոնեզիայի, Ավստրալիայի, Մա-
լայայի և Բիրմայի:

Ասողիկ սրբազանը քաղցր հոգի և բնա-
վորութուն ունեցող, հավատավոր և նվիրված
մեր լավագույն հոգևորականներից մեկն է:
Նա դառնում է իր ուժերի ծաղկման և գոր-
ծունեության հասուն շրջանում: Մայր Աթոռ
և Հայ Եկեղեցին ու ժողովուրդը նրանից սպա-
սում են նոր ծառայություններ:

Մեր բոլորի հավատն այն է, որ սրբազա-
նը կարգարացնի այդ վստահությունը:

